



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 30., člana 45. stav (3) i člana 57. Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 9/24 i 16/24), na prijedlog Kantonalne uprave civilne zaštite, Vlada Unsko-sanskog kantona na 64. sjednici, održanoj dana 28.6.2024. godine, d o n o s i

O D L U K U

o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite - Podrška projektima iz oblasti vatrogastva

Član 1. (Predmet)

Odlukom o kriterijima i postupku dodjele sredstava iz Budžeta Unsko-sanskog kantona za 2024. godinu, utvrđenih u razdjelu Kantonalna uprava civilne zaštite sa pozicije – Tekući grantovi drugim nivoima vlasti i fondovima, Tekući grantovi neprofitnim organizacijama, Kapitalni grantovi drugim nivoima vlasti i fondovima i Kapitalni grantovi neprofitnim organizacijama (u daljnjem tekstu: Odluka) utvrđuje se postupak dodjele sredstava putem Kantonalne uprave civilne zaštite, sredstva za implementaciju, pravo učešća i kriteriji za dodjelu sredstava, prijava na Javni poziv i potrebna dokumentacija, način podnošenja prijave, postupak razmatranja prijave, dodjela sredstava, izvještavanje o utrošku sredstava, poništenje Javnog poziva te stupanje na snagu.

Član 2. (Sredstva za implementaciju)

Sredstva za implementaciju ove Odluke utvrđena su u Budžetu Unsko-sanskog kantona za 2024. godinu - Kantonalna uprava civilne zaštite (u daljnjem tekstu: Uprava) u razdjelu 27, glava 01, potrošačka jedinica 0001, funkcija 0220:

- ekonomski kod 614100 – Tekući grantovi drugim nivoima vlasti i fondovima u iznosu od 30.000 KM,
- ekonomski kod 614300 - Tekući grantovi neprofitnim organizacijama u iznosu od 30.000 KM,
- ekonomski kod 615100 – Kapitalni grantovi drugim nivoima vlasti i fondovima u iznosu od 270.000 KM i
- ekonomski kod 615300 – Kapitalni grantovi neprofitnim organizacijama u iznosu od 50.000,00 KM.

Član 3. (Pravo učešća i namjena utroška sredstava)

- (1) Pravo učešća imaju:
 - a) jedinice lokalne smouprave Unsko-sanskog kantona i
 - b) dobrovoljna vatrogasna društva formirana na teritoriji Unsko-sanskog kantona.

- (2) Sredstva iz člana 2. ove Odluke namijenjena su za sufinansiranje projekata iz oblasti vatrogastva u skladu sa Zakonom o zaštiti od požara i vatrogastvu („Službene novine Federacije BiH“, broj 69/09) i Zakona o zaštiti od požara i vatrogastvu Unsko-sanskog kantona („Službeni glasnik Unsko-sanskog kantona“, broj 04/13).
- (3) Sredstva se ne mogu dodjeljivati za završene projekte.

Član 4.

(Opći kriteriji za dodjelu sredstava jedinicama lokalne samouprave)

- (1) Za dodjelu sredstava za projekte iz oblasti vatrogastva korisnicima iz člana 3. stav (1) tačka a) primjenjuju se sljedeći opći kriteriji:
- a) usvojena procjena ugroženosti od požara
 - b) usvojen program razvoja zaštite i spašavanja ljudi i materijalnih dobara od prirodnih i drugih nesreća,
 - c) usvojen plan zaštite od požara,
 - d) predviđeno finansiranje dijela projekta iz budžetskih sredstava,
 - e) da općina/grad dostavi podatke o visini sredstava posebne naknade za vatrogastvo ostvarenih u prethodnoj kalendarskoj godini (finansijski dokument iz kojeg se jasno vidi ostvareni priliv sredstava).
- (2) Dokazi o ispunjavanju općih kriterija su original ili ovjerena kopija:
- a) akta nadležnog organa grada/općine o usvajanju procjene ugroženosti od požara,
 - b) akta nadležnog organa grada/općine o usvajanju programa razvoja zaštite spašavanja ljudi i materijalnih dobara od prirodnih i drugih nesreća,
 - c) akta nadležnog organa grada/općine o usvajanju plana zaštite od požara,
 - d) akta gradonačelnika/načelnika grada/općine o obezbijedenim budžetskim sredstvima za realizaciju projekta.

Član 5.

(Posebni kriteriji za dodjelu pomoći gradu/općini)

- (1) Općine/gradovi koji ispunjava opće kriterije iz člana 4. stav (1) ove Odluke, rangiraće se prema posebnim kriterijima i to:
- a) ako je priliv sredstava posebne naknade namijenjenih za potrebe vatrogastva u općini/gradu iz člana 4. stav (1) tačka e) ove Odluke, od ukupno ostvarenog priliva koji pripada općinama/gradovima:
 - 1) manji od 30% pet bodova,
 - 1) između 30% i 50% tri boda,
 - 2) veći od 50% dva boda.
 - b) ako su planirana sredstva u budžetu općine za finansiranje projekata iz oblasti vatrogastva (bez sredstava posebne naknade za vatrogastvo) su:
 - 1) veća od 30% od vrijednosti projekta pet bodova,
 - 2) između 10% i 30% tri boda,
 - 3) manja od 10% dva boda.
 - c) ako su projekti iz oblasti vatrogastva iz člana 3. stav (2) ove Odluke:
 - 1) ukupne vrijednosti do 10.000,00 KM jedan bod,
 - 2) ukupne vrijednosti od 10.000,00 – 50.000,00 KM dva boda,
 - 3) ukupne vrijednosti od 50.000,00 – 100.000,00 KM tri boda,

- 4) ukupne vrijednosti preko 100.000,00 KM četiri boda.
- (2) Dokazi o ispunjavanju posebnih kriterija su:
- a) izvještaj RAS-008 – Raspodjela javnih prihoda na korisnike-B2 za prethodnu godinu iz koje je vidljiv ukupan priliv sredstava posebne naknade za potrebe vatrogastva u prethodnoj godini,
 - b) projektni prijedlog i predmjer radova gdje su jasno naznačeni izvori finansiranja projekta.

Član 6.

(Opći kriteriji za dodjelu sredstava vatrogasnim društvima)

- (1) Za dodjelu sredstava za projekte iz oblasti vatrogastva korisnicima iz člana 3. stav (1) tačka b) ove Odluke primjenjuju se sljedeći opći kriteriji:
- a) da je upisano u Registar udruženja,
 - b) da je osnovalo dobrovoljnu vatrogasnu jedinicu u skladu sa planom zaštite od požara,
 - c) da je donijelo program rada za tekuću godinu,
 - d) da je donijelo finansijski plan za tekuću godinu i izvještaje za prethodnu godinu,
 - e) da je registrovan kao porezni obveznik,
 - f) da je izmirilo obaveze po osnovu poreza i doprinosa,
 - g) da su planirana vlastita sredstva za realizaciju projekta.
- (2) Dokazi o ispunjavanju općih kriterija su original ili ovjerena kopija:
- a) rješenja o upisu u Registar udruženja,
 - b) odluke nadležnog organa o osnivanju dobrovoljne vatrogasne jedinice, ličnu i materijalnu formaciju jedinice,
 - c) program rada udruženja,
 - d) finansijskog plana za tekuću godinu i finansijskog izvještaja za prethodnu godinu,
 - e) uvjerenja o poreznoj registraciji,
 - f) uvjerenja o izmirenim obavezama po osnovu poreza i doprinosa.

Član 7.

(Posebni kriteriji za dodjelu pomoći vatrogasnim društvima)

- (1) Dobrovoljna vatrogasna društva koja ispunjavaju opće kriterije iz člana 6. stav (1) ove Odluke, rangiraće se prema posebnim kriterijima i to:
- a) da su planirana vlastita sredstva za realizaciju projekta iz člana 3. stav (2) ove Odluke:
- 1) veća od 30% od vrijednosti projekta pet bodova,
 - 2) između 10% i 30% tri boda,
 - 3) manja od 10% dva boda.
- b) projekti iz oblasti vatrogastva iz člana 3. stav (1) tačka b) ove Odluke:
- 1) ukupne vrijednosti do 10.000,00 KM jedan bod,
 - 2) ukupne vrijednosti od 10.000,00 – 25.000,00 KM dva boda,
 - 3) ukupne vrijednosti od 25.000,00 – 50.000,00 KM tri boda,
 - 4) ukupne vrijednosti preko 50.000,00 KM četiri boda.
- (1) Dokazi o ispunjavanju posebnih kriterija su:
- a) ovjerena kopija Finansijskog plana dobrovoljnog vatrogasnog društva za tekuću godinu,

- b) dokaz o raspolaganju vlastitim sredstvima, odnosno izvod o stanju sredstava na transakcijskom računu društva otvorenom kod ovlaštene finansijske institucije.

Član 8.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg rapsuje Uprava, a koji će se objaviti na web stranici Uprave www.czusk.ba.
- (2) Prijava na Javni poziv vrši se dostavljanjem sljedeće dokumentacije:
 - a) Za projekte koje apliciraju jedinice lokalne samouprave:
 - 1) Prijavni obrazac (Prilog I) koji je sastavni dio Odluke i isti se preuzima direktno sa stranice Uprave www.czusk.ba,
 - 2) dokazi o ispunjavanju općih kriterija iz člana 4. stav (2) ove Odluke,
 - 3) dokazi o ispunjavanju posebnih kriterija iz člana 5. stav (2) ove Odluke.
 - b) Za projekte koje apliciraju dobrovoljna vatrogasna društva:
 - 1) Prijavni obrazac (Prilog I) koji je sastavni dio Odluke i isti se preuzima direktno sa stranice Uprave www.czusk.ba,
 - 2) dokazi o ispunjavanju općih kriterija iz člana 6. stav (2) ove Odluke,
 - 3) dokazi o ispunjavanju posebnih kriterija iz člana 7. stav (2) ove Odluke.

Član 9.

(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Unsko-sanskog kantona ili preporučeno putem pošte, na adresu:

Kantonalna uprava civilne zaštite, Ul. Alije Đerzeleza br. 2, 77 000 Bihać,
s naznakom

Prijava po Javnom pozivu

„Podrška projektima iz oblasti vatrogastva“

„NE OTVARAJ“

Na poleđini koverta obavezno napisati naziv podnosioca prijave i adresu.

- (2) Rok za podnošenje prijave je 15 (petnaest) dana od dana objave Javnog poziva.
- (3) Neće se uzeti u razmatranje prijave koje su dostavljene nakon isteka roka određenog Javnim pozivom (neblagovremene).

Član 10.

(Postupak razmatranja prijave)

- (1) Dostavljene prijave po Javnom pozivu razmatra Komisija koju rješenjem imenuje direktor Uprave (u daljnjem tekstu: Direktor) i koju čine 3 člana.
- (2) Komisija iz stava (1) ovog člana vrši analizu ispunjenosti formalno - pravnih uslova dostavljenih prijava u skladu sa ovom Odlukom i Javnim pozivom. Pri razmatranju

projektnih prijedloga, Komisija zadržava pravo zatražiti dodatna pojašnjenja o projektu od aplikanta. U Izvještaju o provedenom postupku po Javnom pozivu, koji Komisija dostavlja Direktorpu putem protokola navodi se:

- a) Lista projektnih prijedloga koji ispunjavaju formalno - pravne uslove i
 - b) Lista podnosilaca prijave čije su prijave neblagovremene, nepotpune i neosnovane.
- (3) Prijave dostavljene nakon isteka roka određenog Javnim pozivom vraćaju se podnosiocima neotvorene.
 - (4) Prijave koje su pristigle u traženom roku, ali koje nisu kompletno popunjene i koje ne sadrže traženu dokumentaciju, bit će odbačene i neće biti predmet razmatranja. Podnosioci prijave koje su neblagovremene, nepotpune i neosnovane, bit će o tome obaviješteni pisanim putem.
 - (5) Protiv obavijesti iz stava (4) ovog člana podnosioci mogu podnijeti prigovor Upravi u toku od 3 dana od dana prijema obavijesti.
 - (6) O prigovoru odlučuje Direktor.
 - (7) Po okončanju prigovora, Uprava utvrđuje rang listu projekata i dostavlja na razmatranje i donošenje Vladi kantona prijedlog Odluke o usvajanju programa utroška sredstava Budžeta Unsko-sanskog kantona, u razdjelu Kantonalna uprava civilne zaštite - 27, glava 01, potrošačka jedinica 0001, funkcija 0220:
 - ekonomski kod 614100 – Tekući grantovi drugim nivoima vlasti i fondovima u iznosu od 30.000 KM,
 - ekonomski kod 614300 - Tekući grantovi neprofitnim organizacijama u iznosu od 30.000 KM,
 - ekonomski kod 615100 – Kapitalni grantovi drugim nivoima vlasti i fondovima u iznosu od 270.000 KM i
 - ekonomski kod 615300 – Kapitalni grantovi neprofitnim organizacijama u iznosu od 50.000,00 KM.

Član 11.

(Ugovor o dodjeli sredstava)

- (1) Nakon donošenja Odluke iz člana 10. stav (7) ove Odluke Uprava sa odabranim korisnicima zaključuje Ugovore o dodjeli sredstava (u daljnjem tekstu: Ugovori).
- (2) Ugovor iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, način praćenja namjenskog korištenja sredstava, dokumentacija koju je korisnik sredstava obavezan dostaviti Upravi, izvještaj o namjenskom utrošku sredstava, trajanje i raskid Ugovora te ostale odredbe kojima su definisana međusobna prava i obaveze korisnika sredstava i Uprave.
- (3) Dodijeljena sredstva, po usvajanju Programa utroška od strane Vlade, doznačavaju se na račune podnosilaca prijave.

Član 12.

(Izvještavanje o utrošku sredstava)

- (1) Korisnici sredstava dužni su pravdati utrošak dodijeljenih sredstava Uprave predviđenih za realizaciju projekta.

Pravdanje će se vršiti odgovarajućom finansijskom dokumentacijom koja je sastavni dio Izvještaja o utrošku sredstava, koji se dostavlja Upravi najkasnije 15 dana od dana implementacije projekta.

- (2) Uprava zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (3) Ukoliko korisnik sredstava ne dostavi Izvještaj o utrošku sredstava ili ista utroši nenamjenski, Uprava pokreće zakonom propisan postupak za povrat finansijskih sredstava.
- (4) Svako korištenje odobrenih sredstava suprotno namjenama utvrđenim članom 3. stav (2) ove Odluke smtrati će se nenamjenskim trošenjem.
- (5) O utrošenim sredstvima po ovoj Odluci uprava će Odlukom o usvajanju programa utroška, a nakon dostavljanja Izvještaja o utrošku sredstava, izvijestiti Vladu Kantona..

Član 13.

(Dodjela sredstava i poništenje Javnog poziva)

- (1) Projekti će se finansirati/sufinansirati sredstvima Uprave u skladu sa kriterijima utvrđenim članovima 4.,5., 6. i 7. ove Odluke i raspoloživim finansijskim sredstvima utvrđenih članom 2. ove Odluke. U slučaju da korisnici iz člana 3. stav (1) ove Odluke apliciraju sa više projektnih prijedloga i isti se nađu na rang listi, Direktor zadržava pravo konačnog odabira projektnih prijedloga za koje ocijeni da će isti imati/dati značajniji doprinos u oblasti vatrogastva, a do utvrđene visine sredstava za implementaciju ove Odluke.
- (2) Po konačnoj rang listi projekata Uprava će odabranim korisnicima dostaviti obavijest o projektima koji su prihvaćeni i za čiju implementaciju će se izvršiti potpisivanje ugovora, kao i o projektima za koje nisu obezbijedena sredstva za implementaciju. Protiv ove obavijesti nije dozvoljen prigovor.
- (3) U postupku po Javnom pozivu Uprava zadržava pravo da poništi Javni poziv u bilo koje vrijeme do zaključenja Ugovora, bez obaveze pismenog ili usmenog obrazloženja.
- (4) U slučaju nedostatka sredstava u Budžetu Kantona obustavlja se realizacija dodjele sredstava.
- (5) Uprava ne snosi troškove nastale u vezi sa prijavom na Javni poziv.
- (6) Prispjela dokumentacija će se vratiti podnosiocima prijava samo na pismeni zahtjev u slučajevima utvrđenim u stavu (3) i (4) ovog člana.

Član 14.

(Stupanje na snagu)

Ova Odluka stupa na snagu danom donošenja, a objaviti će se u "Službenom glasniku Unsko-sanskog kantona".

Broj: 03-02-51-1231/2024
Bihać, 26.8.2024. godine

